

## ●鄭氏世家

鄭氏秉國幾三百年。前後凡十二主。名雖扶黎。然其實不啻奄有天下而爲之主也。對於我國歷史上之勳績。赫赫在人耳目。誠不可得而泯沒。茲略將實錄摘登於下。雖似爲鄭氏一家譜系。而其爲歷史攷究之材料。莫有大於是。

### ★第一世 先聖世祖明康大王。

王諱桿。又諱檢。毓德王第三子。太夫人黃氏生也。黎憲宗景統癸亥六年八月二十四日生於虎村。  
初太夫人有己分十二尺在伊村坪項處。生辰赤光滿室。村人異之。幼而聰達不類常人。年六歲失怙。與母同居祖貫梨山鄉。年十歲爲人牧牛于鳳山。糾合牧童常攘取鷄鴨爲食。以牛牢爲象馬。以蘆荻爲旌旗。布隊伍。習戰陣爲遊戲焉。年十六七。雄勇出衆。智略殊常。羣聚偷盜。梨山社欲害之。辰汴上社人寧邦侯姓。黎仕莫委王。習養羣馬。王便策駿馬一匹。直入錦水縣古隴川芒崇營。與堂兄鄭桃從興國公阮淦扶黎倡義。國公見王器宇殊常。眷顧特厚。辰有占城人武辰安子廷嵩。弟辰良。廷勝亦從興國公見王。卽自深結誓同休戚。王與辰安父子常往返永福安定間。招誘豪傑。寧邦侯訴于莫密。差拿捉王。卽避居安定社茹狃家。一日拿追。茹狃匿王廩中。蓋以粟伊社憐之。亦不忍訴。得脫。  
王業定後。茹狃已沒。其子孫愚鈍不堪任用。王厚賜錢財。添給加狃裔孫私田。畝以資祀享。梨山社與莫差人拿捉王母。調回梨山亭納竹籠中。投于江津。王聞之。躊躇慟哭。然勢出無奈。不敢

直至。乃借安定社人假行乞往沿流探訪。見在流水。直到汴上津乖鑊處。時東汴社漁人枚姓已移于岸上。後恩痕田十畝計。至王大慟。旁人恐其累及。多方諫止。夜深人靜。王與堂兄鄭梉。安定社人鄭伯夷。武辰安三人。後王軫及並封功臣爵秩同就那處。至則已見羣蟻附土成墳。堂兄鄭梉告王曰。事出希奇。寧知非福。乃拜泣而去。今其墓處多木棉古樹。沙觜培過江心。王與堂兄鄭梉就古隴從興國公調遣。時興國公尊扶黎莊宗於袁州。居芒崇營共圖恢復。乃奏封僉知馬奇翼義侯。嫁女玉寶給其兵馬進入內壘。王乃發隆崇社兵進抵安場以討僞莫慶捷。軍聲大振。特頒總統兵權築安場府練習士卒。王與次室石城縣壽僚冊輔導張氏女假爲縫工就天關府奉化縣殺得岷芒賊。從此一方帖服。州郡歸心。己亥元和黎莊宗十二年。王年二十七。受封翼郡公。委堂兄鄭梉與心腹武辰安父子奉先妣骸骨移葬在安越村塢鄰處同朗田。其乖鑊處尙包相保守。上自許東江沿下至東汴。芽遞年四月期依舊跡醮祭祀在此一日夜訖。奉迎入汴上府祠。并築立府祠在衛國社虎村。與嘉苗社私營田土以爲奉祀。又築立營衛于安定安宏等社。積貯糧餉給發軍官以爲奉先固本之基。又建府祠于槊山汴上等社奉事興國公太夫人。其忤上奉事先祖。又立外府祠在東忭村。府祠左邊建一祠堂奉事宋天王事訖。興國公爲節制。王爲翼郡公與莫交戰。水步兵連捷。遂設守地界諸要路。莫人詐降。陰毒之。興國公不意中毒。詔贈昭勳靖公。長子潢國公幼小。國家機務專以委王。莫兵乘釁內侵。帝拜王爲都將節制水步諸營兼統內外平章軍國重事。太師諒國公事先判斷。然後奏聞。歲丙午立行殿于萬賴冊。立行營于忭上社。豪傑多樂爲用。愛州疆土稍平。王辰三十四歲。元和帝崩。尊爲莊宗裕皇帝。太子黎維桓卽位。八年崩。無嗣。尊爲中宗武皇帝。王曰。天下不可一日無君。乃使人探

求黎氏子孫得黎維除五代孫黎維邦於東山布衛鄉迎回尋立之紀元元祐後改正治卽英宗峻皇帝正治己巳十二年帝加王爲上將太國公尊爲上父上秩王歷事莊宗中宗英宗三朝三十年間三分天下已有其二庚午十三年二月十八日薨壽六十八歲尊封明康仁智武貞雄略顯德豐功啓業宏謨濟世澤民建謀匡辟肇祥裕國廣運洪謨裕後衍福靖難佐辟垂休篤弼開國剛毅輔國贊治毅威耀武延慶永緒經文綏祿耿光丕憲揚武扶祚興業垂統鴻休綿緒篤裕衍嗣燕謀鴻業豁達寬容立極永興綏福至德廣惠扶運資治洪恩積厚永德大功盛業制治服遠立經陳紀剛明雄斷彰善耀威鎮國安疆光明睿智恭懿果決創法開基景泰永光含章載物茂功宏憲法天興運廓宏恢疆齊聖聰武英果避遠仗義平殘聖神睿智剛健中正英雄豪傑建義造謀開先昌後太始孚先崇基肇慶神武聖文雄才偉略立業配天功高德厚兆謀啓運創業立本二白三十二字大王謚忠勳廟號世祖寧陵懷上鄉祈嶺山垂下山脚一土堆之外倣三畝餘已成平地。

太妃阮氏號慈儀尊諱玉寶未詳宋山縣嘉苗外庄人昭勳靖公阮淦之次女丙戌光興黎世宗九年十月十七日卒是日安場府失火延燒宮府因卒塋萬賴冊。

正妃賴貴氏謚慈福尊諱玉軫未詳石河縣隆河社人八月二十日卒寧陵本貫。

賢妃張貴氏謚慈行尊諱玉冷未詳石城縣壽僚冊人輔導崇郡公之女丙戌光興九年八月十二日卒寧陵本貫。

挺生男五女二達義公正妃賴氏所生成祖哲王太妃阮氏所生楊禮公迪義公勤義公仙上公主慈緣郡主。

達義公諱檜太王世子哲王之兄封峻德侯太王薨代領兵權自縱酒色失將士心荒廢政事偏聽

幸臣。又謀奪其弟哲王兵權。後與僞莫戰力不能支。乃率家小迎降于莫。後卒。莫遣兵送柩。許親母妻子再葬。哲王差人迎接。備禮殯之。安葬于安定縣場糧處。追贈太傅忠郡公。加封達義公。其後玄孫鄭楫乙酉科鄉試中四場。鄭植己酉科鄉試中四場。官並至長史。正七品鄭檀壬子科鄉試中四場。官至知府。從七品茲長支嫡玄孫鄭樽奉祀。

楊禮公諱杜。預封揚武威勇宣力竭節翼運贊治功臣。其後玄孫鄭楷庚寅壬寅二科武舉並中造士首選。仕至檢點該奇官。庚申陣亡。贈滕郡公。玄孫鄭橫辛未科武舉中弁生合式首科。壬申科博舉一舉中造士首科。鄭株甲戌科博舉中造士同用。鄭模戊午科鄉試中四場。茲長支嫡玄孫縣丞鄭橚奉祀。

迪義公諱桐。預封揚武威勇宣力竭節翊運贊治功臣。乏嗣。女氏暎嫁勤郡公丁文佳。

勤義公諱樞。預封揚武威勇宣力竭節翊運贊治功臣。茲嫡玄孫黎皇駙馬參督護忠侯鄭桔奉祀。仙上公主諱玉春。二月二十八日卒。謚德芳。忌附宮廟。

慈緣郡主諱玉絲。八月二十一日卒。忌附宮廟。

●第二世 先聖成祖哲王

王諱松。太王第二子。黎中宗順平庚戌二年十一月十二日誕生。才德超羣。己巳年王年二十受封福良侯。掛平東印。開恭義營。太王沒辰。王年二十一。王兄與莫戰敗。降于莫。遂封王爲太尉長。郡公。癸酉世宗嘉泰元年。陞左相節制各處水步諸營。兼統內外平章軍國重事。裁決國家庶務。然

後奏聞。王能克述父業。委用忠臣。翊扶黎皇。勦除莫賊。進抵昇龍京。己亥年。王年四十。北朝大明使左江官陳敦臨王建立齋良馬玉帶衝天冠并束文二帖。內寫光興前烈定國元勳八字。賜王結爲隣好。自此貢款以通。天皇帝稱獎曰。安南鄭氏能敦大義。扶黎家勦除莫賊。真冠世英雄也。是年進封王爲都元帥總國政。尙父安平王。上扶世宗毅皇帝。敬宗惠皇帝。神宗淵皇帝三朝。卒成中興之業焉。癸未永祚五年六月十八日。王次子萬郡公鄭椿率兵于復古坊橫亭處使奠郡璠郡等將兵破入內府。掠取象馬金銀。逼王遷于城外。內縱火延燒京城。辰掌監岳郡公裴士林挺身扶王。時文祖誼王爲世子。使其弟勇禮公鄭楷奉扈從王播遷于青池縣黃梅社館泊處。使士林奉衛入王弟楊禮公鄭杜營。誘召鄭椿佯授以大權。椿啣單伏廷。王數以亂臣賊子之罪。令士林使力士斷椿脚。顯英毅剛斷奮武經文匡國衛民雄才偉略厚功豐業威靈顯應護國紹祐受祿錫胤綿祚延禧啓佑鴻勳茂功敷勇造謀兆武貽典肇迹垂裕永命高行厚恩顯謨光緒撫業集慶保治造夏潤物垂準憲天普惠略韜公直執柄扶綱奉親法古振令攬權崇熙開慶普通光天繼天出治嘉惠洪恩肇基永命握樞御宇廓容奮斷植國禦邊聰明勇決神武雄斷靖內寧外正直忠厚創業垂統盛德茂功桓武英謨徽恭神聖深略宏謨峻功茂德基命耿光燕謀宏烈述事圖功奮威造宇一百九十二字哲王諡睿武廟號成祖寧陵梨山鄉附馬迹地

太妃鄧貴氏。諡慈徽。尊諱玉瑤。生日未詳彰德縣良舍社厚澤公。一作興義公鄧廷訓之女。正月初七日卒。寧陵瑞原縣福培社。

正妃賴貴氏。諱慈惠尊諱玉柔生日未詳。宋山縣光朗社謹禮公賴世卿之女。其母乃太夫人黃氏。綏貢雷陽縣海瀝社少傅蘭郡公之女。仍以外祖妣黃姓改從焉。生右相信禮公。九月十九日卒。寧陵母貫海瀝社。

挺生男子二十信禮公。嵩岳公。文祖誼王。美譽公。純義公。勇禮公。瓊岩公。廣郡公。就郡公立郡公。佑郡公。陵郡公。川郡公。祿郡公。越郡公。延郡公。堅郡公。豪郡公。農郡公。萬郡公。

右相信禮公諱構哲王長子。正妃賴氏所生。嗜酒好勇。愛戲駒象。號鴻青。一日騎象浴于河。相公墜河。象以牙挑扶被牙刺卒。年二十八。有二男。銳郡公。桂郡公。並預功臣。茲玄孫鄭柄奉祀。

嵩郡公諱樞。封叶謀同德翊運贊治功臣。鎮乂安處。茲玄孫縣丞鄭袖奉祀。

美譽公諱棟。預封叶謀同德翊運贊治功臣。奉守清華雲床等鎮。後玄孫鄭彬中鄉試四場。授常信府知府。茲玄孫鄭檳奉祀。

瑞國公封純義公。諱楊。鎮清華處。預封叶謀同德翊運贊治功臣。其後曾孫鄭橈癸卯鄉試中四場。奉應務尊人府官至副知刑番。至純宗永祐二年丙辰會試中第一甲進士及第第一名。仕至山南承執政使。鄭穗親兄鄭棕壬子鄉試中四場。官至僉知工番。鄭德之子鄭德庚午鄉試中四場。歷授應天府知府。吏部郎中。次子鄭樟中四場。歷河中天長府知府。山西處憲察副使。奉管鎮右隊。歡壽侯。屋居瑞原縣黃中社。先公陵在伊社。先公養子賜姓鄭橈。封少傅祥郡公。文祖嫁第七女芙蓉公主。生下孫姪鄭橈癸卯科武舉中弁士合式。鄭材中四場。歷授吏部郎中。鄭櫂丙子科武舉中弁士合式。茲嫡玄孫中尉歡壽伯鄭挺奉祀。

勇禮公諱楷。參預朝政。預封叶謀同德翊運贊治功臣。開扶義府。曾孫鄭棟。封撻郡公。後玄孫鄭柚。甲辰科博舉中進士。仕至首校。總兵同知素武侯。鄭樹。甲午鄉試中四場。授戶部員外郎。茲長支嫡。玄孫校尉瑋忠伯鄭棟奉祀。

瓊岩公諱棟。預封叶謀同德翊運贊治功臣。開勝義府。掌朝政。加封朝宰懿公。後曾孫鄭杓壬子鄉試中四場。奉應務宗人府官至郎中。玄孫鄭提庚午鄉試中四場。授長史職。鄭枚。武舉中弁士合式奉祀。

太傅廣郡公諱杭。預封翊運贊治功臣。茲嫡玄孫縣丞鄭校奉祀。

右都督就郡公諱惲。茲嫡玄孫鄭棹奉祀。

太保立郡公諱拘。茲嫡玄孫鄭植奉祀。

少保佑郡公諱模。茲嫡玄孫縣丞鄭鑒奉祀。

公創造神藝。今牌局奉事爲先師。

太傅陵郡公諱榜。預封翊運贊治功臣。茲嫡玄孫縣丞鄭榛奉祀。

太傅川郡公諱橫。乏嗣。外孫賜姓鄭植奉祀。

太保祿郡公諱林。茲嫡玄孫鄭奮奉祀。

太保越郡公諱程。玄孫鄭彬。撮取弁生合式奉祀。

今流支在里仁府金榜縣芳墳總盛代社世系至伊社私支奉祀。

少尉廷郡公諱枏。茲嫡玄孫副千戶鄭樹奉祀。

左司馬國老堅郡公諱梧。預封翊運贊治功臣。後玄孫鄭補丙子鄉試中四場。歷授乂安處參議。茲長支鄭棟奉祀。

太傅豪郡公諱桄。茲嫡玄孫縣丞鄭題奉祀。

左司空農郡公諱櫟。乏嗣。

萬郡公諱椿。已授萬郡公節制。開寧義府。由犯惡逆被斷足死。其孫海嶺侯鄭桄。曾孫碩嶺侯鄭根。奉祀。昭祖康王朝。仰蒙錄用。茲已管兵。丁未年準定宗室事例。不見論及。亦不見宗圖簿籍。

◎第三世 先聖文祖誼王

第一十章

瑞 風 南

王諱櫟哲王第三子太妃鄧氏所生。黎世宗嘉泰丁丑五年七月二十三日誕生。戊戌年王年二十。封平郡公。己亥年王年二十三陞太尉清國公。癸亥年哲王薨。王年四十七。皇上特命掌兵權。進封叶謀同德功臣都督太尉清國公。是年再封元帥總國政清都王。己巳年王五十三進封大元帥總國政師父清王。己卯年王六十三北朝大明差官捧齋勅印封爲安南副國王。仍尊封大元帥總國政上主師尙父功高聰斷仁聖清王。丁酉年四月十六日薨。壽八十一歲。尊封德威恩信睿文豁達量天準世昭善至孝純信篤寔儼容廓度執中貽則重威厚福傳家謀國培基助勝綏內治外敷教垂憲純嘏放勳立極垂統貽謀裕後嚴敬韜略英斷靈威殄寇濟生遠謨宏略豐功偉績保業守成立極陳紀溫恭仁恕明允宣哲寬洪威斷廣博溫粹顯仁弘烈文德武功深圖遠算定功保大延麻垂澤崇勳廣業顯謨承烈百二十一字。諱王廟號文祖寧陵瑞原縣九巷社。

太妃陳貴氏諡慈萱。尊諱玉臺。生日未詳天本縣同隊社人。啓祥公之女。前嫁北人吳廷峨。生和郡公。後奉侍挺生弘祖陽王。正月十七日卒。時有北朝大清使李陽尊差前路官李唐胤趙光旭魏蒙質等備禮致祭。寧陵瑞原縣福山社。

正妃阮氏諡慈順。尊諱玉秀。生日未詳宋山縣嘉苗外庄人。阮淦之孫。阮潢之女。時阮潢入順化處妃年幼小未及從行。留居昇龍京。王因娶之。生崇義公。三月二十三日卒。寧陵宋山縣培陽社。

賢妃阮貴氏諡慈善。尊諱玉帥。嘉苗外庄人。阮潢之孫。阮漸之女。位正東宮。九月十二日卒。寧陵宋山縣平和社婆東村。

第四百四十一

挺生

男子十九

崇義公。鎮義公。純偉公。弘祖。陽王。秉忠公。蘇郡公。嚴郡公。榜郡公。奎郡公。豪郡公。勝郡公。迪郡公。軒郡公。安郡公。美郡公。鑄郡公。寧國公。扶國公。花郡公。

崇義公。諱橋。誼王長子。正妃阮氏所生。陽王之兄。受封節制崇國公。開雄威府。四月初四日早卒。追封崇義王。長子副將宗國公。鄭橫年幼不能立。茲嫡玄孫侍衛善戰。中尉炎壽伯。鄭樞奉祀。

慎義公。諱榴。誼王第二子。陽王之兄。受封節制崇國公。開雄威府。四月初四日早卒。追封崇義王。長子副將宗國公。鄭橫年幼不能立。茲嫡玄孫侍衛善戰。中尉炎壽伯。鄭樞奉祀。

鄭炎奉祀。

太宰純偉公。諱杖。預封翊運贊治功臣。副都將太保溪郡公。後曾孫鄭麗丙。午鄉試中四場。歷授參議副知工番。鄭勇。癸卯科武舉中弁。生合式。茲嫡孫侍衛瑩壽伯。鄭栻奉祀。

太傅秉忠公。諱桂。陽王之弟。茲曾孫告身簪芳伯。鄭奎奉祀。

太傅國老蘇郡公。諱成。預封翊運贊治功臣。茲玄孫鄭桓奉祀。

右相嚴郡公。諱造。

餘失詳疑。

太宰榜郡公。諱卞。茲嫡玄孫鄭樸奉祀。

太傅奎郡公。諱刀。茲玄孫鄭嵩奉祀。

餘失詳疑。

太宰豪郡公。諱緣。乏嗣。鄭抱奉祀。

太傅勝郡公。諱崇。鎮守清華處少傅兼郡公。

鄭壽奉祀。

太傅迪郡公。諱有。茲玄孫縣丞鄭栻奉祀。

少傅軒郡公。諱棟。預封翊運贊治功臣。曾孫中尉訓武伯。

鄭樞奉祀。

太傅安郡公。諱善。預封翊運贊治功臣。茲嫡玄孫鄭欽奉祀。

鄭欽奉祀。

太宰空美郡公。諱桓。預封翊運贊治功臣。曾孫縣丞鄭挺奉祀。

鄭挺奉祀。

太尉寧國公。諱旋。誼王季子。代溪郡公。統領乂安處諸軍。奉命南征。封節制撫治乂安道。開揚威府。

久在兵間得將士心。值誼王薨。其手下勸以逆謀。公不從。及班師回京。他因誣構。被安置獄中。其後三軍還。逼獄中同聲舉事。公誘以禍福。諸軍散去。公乃啓乞賜死。以安社稷。三請始得。乃許回葬。弘化縣富榮社保。泰丁未八年奉准定宗室事例。以有功勞。特蒙恩恤。其子孫奉給廩祿。從五代例。景興丙子十七年。伊支有啓陳情。蒙奉准允。付宗人官並依宗室各支同。其後子孫多在弘化縣諸社。茲嫡孫縣丞鄭植奉祀。

扶郡公諱櫟。已授扶郡公。由犯惡逆子孫並廢爲庶人。

花郡公諱岑。已授花郡公。由犯惡逆子孫並廢爲庶人。  
〔未完〕

▲文苑古詩摘錄

●清池泛舟南下 周臣高伯适

清潭催別袂。珥水濺行襟。沙濶黃雲暮。天低白日沈。客舟寒泛泛。江色晚陰陰。不見波濤壯。安知萬里心。

●病中友人招飲席上作。

每約春風載酒從。春還無信復無蹤。客中對鏡三分瘦。病裏看花一樣慵。入世功名渾墜甑。傳家書史謾屠龍。辰人誤許文章價。欲把衰顏換醉容。

▲橫山望海

君不見海上白波如白頭。怒風撼破萬斛舟。雷驅電搏慘人目。中有點點浮輕鷗。海氣捲山山如指。山北山南千萬里。功名一路幾人閒。冠蓋紛紛我行矣。

★遊興福寺題壁

倦遊欲拾靈山草。南斗星君笑予老。一枝筇竹下岩阿。半枕松風臥聽好。得得追涼未擬回。夕陽明處野棠開。閒雲片片無拘管。芒屐峯頭歸去來。

●今詩摘錄

★秋潦後泛舟鱗海門 太平錢海 東洲

四顧平原麥浪浮。江流曲曲泛輕舟。詩情隱約蒼葭外。世局升沈白鷺洲。潦盡殘堤沙背淺。雲栖古廟樹陰稠。十年觀海平生夢。一攬長天眼界收。

●謁宋后祠

三岐水滙海麟門。遺廟千秋此獨存。貞石不言猶記宋洪濤。有怒尙仇元龍堆。望外環沙渚。漁湧江頭別水村。遮莫桑滄今古事。風雲長此護香魂。

▲泛海南遊清化 二首

許久江湖局一涯。而今海道此重過。青山眼界螺鬟小。紅日船頭雁影賒。怒浪有權驚小夢。扁

舟無事起狂歌壯遊不計數千里夜泊曾經信宿多。

清華本是帝王洲。積夢年來此一遊。山頂萬重雙過眼。海程三日一輕舟。鶴城佳信頻聞雁水國。閒情欲泛鷗。指點風帆先抵岸。吟囊添得幾詩籌。

▲登密山寺

山徑迂迴拾級登山遊。既倦又逢僧偷閒。半日無他事。小立禪關話廢興。

●偕友登紅雲山

山在北寧仙遊縣。山上有前輩清華鎮將阮演陵遺碑在焉。

名藍一訪上紅雲。四顧山河眼界分。遺淚苦封動。將壘殘碑雨洒舊。黎文變遷朝代今非。昨遊攬英雄。我與君題詠。固非騷客套。此山應藉此傳聞。

●中秋觀燈

辰在雲亭客館

笳響鑼鳴殆類排秋燈逐隊上庭階香山生佛  
知何處雲浦兒童畫得來醉月偶題今夕句登  
樓猶憶隔年杯臨風欲問來秋約指顧山河一

笑開

○書館乘涼

晞髮風前借晚涼低吟短句學詩狂南薰不解

高人意偷出吟聲過女牆

★冬日早起登燕山觀瀑布

義園

阮文桃

策馬登高緣磴行半空幽咽湧泉聲淒涼殘葉  
隨風落隱約重巒破霧生掬水冰心應共白看  
佳氣鬱葱崇祠隣故宮北陵冤未白南海血

元日策吟鞭飛車凌山巔眼中生島嶼足下起  
雲烟黃鳥吟晴日高樓插碧天攜壺對花飲清  
興自陶然

△過媚珠祠偶感

佳氣鬱葱崇祠隣故宮北陵冤未白南海血  
猶紅玉井無情在金龜何處終興亡原有數兒  
女不爲功

○次韻晉臣武皇使行獵詩

如梅詩骨瘦似水宦情閒看獵林馳馬操弓客  
上山岩花隨雨發暮鳥共人還岸幘綠樵徑雲  
深石自頑

節貞

●蒙換直寧春旦試筆

甲子年

匹馬從容一鶴隨吟鞭遙指葛江渭人如翠菊